

Quinta Civitas major

L I V C H E V.

Liu cheu civitatis tractus quatuor civitates comprehendit: 1 Liucheu, 2 Naki, 3 Hokiang, 4 Kiang. Primaria civitas Lieucheu jacet ad Borealem ripam Kiang fluminis, loco peramœno atque à Mercatoribus multum frequentato. hic enim colligitur plurimum lapidis lazuli, viridisque coloris præstantissimi: habet hæc civitas ædificia quædam publica admodum celebria, quoddam ad ortum civitatis est, ubi duo flumina in unum coeuntia lacum quendam efficiunt: id ad contemplandum lacum à Sunga familia exstructum, aulis, musæis coenaculisque multis constans, quod convivia ibi celebrantes frequentant.

Montes notabiles. Pao mons ad Australem civitatis partem jacet, in quo aër istiusmodi est naturæ, ut illius accolæ febrim numquam timeant, ac tametsi ea laborent, facile sanentur præterquam mense Martio & Aprili: qui enim hisce duobus mensibus febri corripuntur, nullum habent remedium, aut vitæ spem.

Ad notolybicum civitatis mons est Fang, cujus vertex in cubum desinit, magno Kiang flumini vicinus est.

Flumina. Cu flumen ad partem Boream civitatis manat, à Borea per Cu civitatem metropoli subiectam descendit.

rumque veterani sunt milites, aut eorum filii ac nepotes, quibus Imperator Sinicus parentum concedit stipendia, agrosque vicinos viritim distribuit, hac arte eos ab invicem separat, cum bella cessant: ita remuneratur, eosque ad obsequia habet promptos, cum eorum indiget opera, simulque per confinia regni distributi præsidio sunt.

Prima urbs Ulung monti, & aurifero Kinxa fluvio adjacet, auro abundat; secunda inter continuos ac horridos jacet montes, in quibus audacissimos capiunt vul- tures.

Eadem fere loci constitutione sita est tertia, at hæc sola in montibus pinea poma producit.

Quarta muscho abundat, complures alit perdices, genusque phaseoli seu fabæ, quam à duritie Sinæ lapideam vocant, hosce fructus arbores ferunt, iique cardiacis doloribus mirifice profunt ac medentur.

Ulung mons ad ripam Kinxa fluminis *Montes.* jacet, per quam ad centum eoque amplius stadia excurrit.

Tain mons & Umuen prope Usa sunt, hic pendentia quasi in aëre juga habere videtur, ita incultus & inaccesus horrescit.

Ad Chinkiong est Utung mons hominem stantem inclinato capite representans.

Flumen Kinxa, hoc est aureæ arenæ Tungchuen transit, ex quo magna vis auri ab incolis colligitur, ac territorium Humung ditat. *Flumina.*

Sexta Civitas major

Y A C H E V.

Occidentalissima hæc est Tibet regno vicina. quatuor civitatibus jura dat, 1 Yacheu, 2 Mingxan, 3 Jungking, 4 Luxan, habetque multa munimenta ad Provinciæ custodiam.

Montes. Mung mons prope Mingxan est, qui quinque vertices in cœlum emittit, in altissimo manna colligunt, quod Sinæ Pinglu vocant, hoc est rorem congelatum. Jungking montem habet Kiunglai, in quo etiam æstate glacies reperitur.

Urbes militares.

Quatuor urbes militares hæc numerat Provincia, 1 Tungchuen, 2 Umung, 3 Usa, 4 Chinkiong, militares hæ vocantur, quia illarum incolæ ple-

Civitates militares & munimenta.

Hæc munimenta & civitates in Australi præcipue parte exstructa sunt, contra Queicheu monticolæ & agrestes homines, horum locorum nomina hic pono, & inferius si quid notatu dignum reperero, adnotabo. 1 Po o, 2 Jungning, 3 Yenyang, 4 Xequei, 5 Yemui, 6 Tien-civen, 7 Ly o, 8 Pingchai o, 9 Sungfan, 10 Tieki, 11 Kienchang o, 12 Cienguei, 13 Ningpo, 14 Yvesui, 15 Jencing, 16 Hocichuen, 17 Hoangchuen, 18 Jelung, 19 Hiugin, 20 Le, 21 Vugan, 22 Lungyo, 23 Sunguei, 24 Cinci, 25 Techang, 26 Maçu, 27 Kiungpu, 28 Chungco, 29 Hoangping, 30 Hia o, 31 Chin, 32 Tantang, 33 Chao-hing o, 34 Hieu, 35 Xesie.

Prima Po civitas rhinocerotes alit, melle abundat & cera, Hiunghoang medicamentum profert. Secunda Jungning pomis aureis scatet, equosque generosissimos educat.

Quinta